

Primjeren i konstruktivan odgovor na nezadovoljstvo građana

„Korupcija, nezaposlenost i nizak životni standard doveli su do nezadovoljstva građana BiH i to zahtijeva primjeren i konstruktivan odgovor svih političkih lidera u Bosni i Hercegovini“, rekao je danas visoki predstavnik Valentin Inzko.

Visoki predstavnik danas se sastao u Sarajevu s parlamentarnom delegacijom iz Poljske, koju je predvodio zamjenik predsjedavajućeg Sejm Jerzy Wenderlich.

Visoki predstavnik rekao je da građani diljem Bosne i Hercegovine imaju osnovno demokratsko pravo na mirne demonstracije. Također, od suštinske je važnosti da nadležne vlasti podržavaju ovo pravo, te da se i policija i demonstranti ponašaju primjereno, izbjegavajući nasilje.

„Lideri imaju moralnu i političku obavezu da slušaju glas naroda i da reagiraju konstruktivno putem dijaloga“, rekao je visoki predstavnik.

Također je izrazio zahvalnost za dugogodišnju proaktivnu i konstruktivnu ulogu Poljske u Bosni i Hercegovini i Zapadnom Balkanu.